

A Ingaruka z'ubwiyunge

❖ Kuva ku kuba abanyabyaha tukaba abera (Abakolosayi 1:21–22)

- Ikibazo ni uruca-bana. Twabayeho dukora ibibi, bityo, twaciriweho iteka ry'urupfu rw'iteka ryose (Abaroma 6:23; Ibyahishuwe 21:8).
- Twe ubwacu ntitwari dushoboye guhindura iki kibazo, cyangwa kwishyura agakiza kacu (Zaburi ya 49:7–8).
- Ariko Imana yari ifite umugambi ukomeye yaduteguriye:
 - (1) Yapfiriye ku musaraba kugira ngo yishyure ikiguzi cy'ibyaha byacu (Abaroma 5:8)
 - (2) Binyuze mu kwizera, kwihana no kubatizwa, tubaturwa ku cyaha cyacu maze tukaba intungane n'abaziranenge imbere y'Imana [gutsindishirizwa] (Abaroma 5:10; Abakolosayi 1:22)
 - (3) Binyuze mu murimo w'Umwuka Wera, imibereho yacu irahinduka buhoro buhoro kandi tukaba abera imbere y'Imana [kwezwaga] (Abaroma 8:1; 2 Abakorinto 5:17)

❖ Twubatswe ku rufatiro, turashikamye (Abakolosayi 1:23)

- Twamaze gutsindishirizwa, turimo kwezwaga, ariko urugendo ntirurarangira. Byashoboka ko tuyoba inzira maze ntitugere aho dusiganirwa kugera. Ni yo mpamvu Pawulo atugira inama ku bintu bitatu (Abakolosayi 1:23a):
 - (1) Gukomeza mu kwizera: Ihangane, nk'uko Petero yagenje ubwo yari avuye mu nzu y'imbohe, agakomangaga ku rugi kugeza igihe rumukinguriwe (Ibyakozwe 12:11–16)
 - (2) Kubakwa ku rufatiro: Ukwizera kwacu kugomba kuba gukomeye, gushingiye ku kuri twize muri Bibiliya
 - (3) Gushikama: Tugomba kudacika intege, ntiduhweme kwiringira “ibyiringiro by'Ubutumwa Bwiza”

B Ibyiringiro

❖ Kuzana ibyiringiro (Abakolosayi 1:24–25)

- Nk'uko twabibonye, umugambi w'Imana wo kudukiza ushingiyeye ku rupfu rwa Yesu kandi ukubiyemo gutsindishirizwa no kwezwaga kwacu. Ariko hari ikintu cy'ingenzi cyari kibuze: mu buryo runaka, tugomba kumenya uyu mugambi kugira ngo tuwemere. Dukeneye Uwuduhishurira.
- Aha ni ho “ubuyobozi bw'Imana” [uburyo Imana ikoresha mu gutegeka ibyaduka, ibitekerezo, abantu, n'ibindi] bugaragarira, ari nabwo Pawulo yakoreraga (Abakolosayi 1:25).
- Pawulo yishimiye kuba umwe mu bagize uyu mugambi, n'ubwo wari ukubiyemo ibirushya (Abakolosayi 1:24). Kuva abohewe i Roma kugeza apfuye, yanditse nibura inzandiko ndwi muri cumi n'enye zagumishijwe mu Isezerano Rishya.
- Pawulo yari umugabane w'ingenzi w'umugambi w'Imana, kandi yarawishimiye. Natwe dushobora kuba umugabane w'uyu mugambi tuyobora abandi ku kumenya Kristo. Ni byo byishimo byacu!

❖ Ubwiru bw'Imana (Abakolosayi 1:26–27)

- Pawulo avuga ku bwiru bwahishuriwe itorero nyuma yo kuzuka kwa Kristo (Abakolosayi 1:26). Kugeza icyo gihe, hari hamaze kubaho kuburabukwa gusa. Ariko se ubu bwiru ni ubuhe? “Kristo muri mwe, ibyiringiro by'ubwiza” (Abakolosayi 1:27).
 - (1) Bwatekerejwe uherye mbere y'ukuremwa kw'isi (1 Petero 1:20)
 - (2) Abamarayika babumenyeshejweho igice (1 Petero 1:12)
 - (3) Adamu na Eva bawuhaweho kurabukwa kw'ibanze (Itangiriro 3:15)
 - (4) Bwahishuriwe abahanuzi (1 Petero 1:10–11)
 - (5) Yesu yabanje kubuhishurira Abayuda (Matayo 15:24)
 - (6) Hanyuma buhishurirwa abantu bose (Abakolosayi 1:27)
- Muri ubu bwiru haracyari intambwe zigitegereje gusohozwa. Ubu turiho mu byiringiro byo guhabwa ubwiza. Mbega guhinduka! Mbega ubwiru! Abantu b'abanyabyaha bagatsindishirizwa, bakezwa, kandi bagahabwa ubwiza kubw'amaraso ya Yesu acungura! Ubu bwiru buzakomeza kwigwa iteka ryose.

C Imbaraga z'Ubutumwa Bwiza

❖ Gutangaza Ubutumwa Bwiza (Abakolosayi 1:28–29)

- Pawulo yabwirije Ubutumwa Bwiza ate? Intego y'ubutumwa bwe yari Kristo wabambwe (1 Abakorinto 1:23). Abantu babaga bamaze kwakira Yesu, yarabahuguraga kandi akabigisha kugeza batunganye (Abakolosayi 1:28–29). Yabikoze ate?
 - (1) Yabasobanuriraga inyigisho n'umuco bya Gikristo (2 Abatesalonike 2:15)
 - (2) Yababuriraga ku ngaruka zo kwanga Ubutumwa Bwiza (Abaheburayo 10:25–29)
 - (3) Yababuriraga ku kaga k'abigisha b'ibinyoma (Ibyakozwe n'Intumwa 20:29–30)
- Ngo iki... kubagira intungane? Kandi atari na bake gusa... “buri muntu wese”! (Abakolosayi 1:28b).
- Ijambo ry'ikigiriki ryahinduwemo “umuntu ushyitse” (*teleios*) risobanura gutungana no kutagira inenge. Binyuze mu gukurira muri Kristo, tumenya neza ukwimbika kw'amategeko y'Imana n'ibyo asaba. Intego yacu rero ni ukuba intungane muri Kristo Yesu.